

# Informasaun atu uza hamutuk livru *Moris Kristaun no Haklaken*

## 1-7 JUÑU

### RIKUSOIN HUSI BÍBLIA | GÉNESIS 44-45

**“José fó perdua ba ninia maun sira”**

**(Génesis 44:1, 2)**

w15 1/7 p. 14-15

**“Ha’u la’ós Maromak atu tesi lia ba imi”**

Lakleur, José haruka ninia atan sira duni tuir ninia maun-alin sira, no duun sira mak na’ok-teen. Ikuusmai, atan sira-ne'e hetan kopu osan-mutin iha Benjamin nia karón, nune'e sira lori fali Benjamin ho maun sira hotu bá hasoru José. Agora mak tempu ba José atu hatene ho lolos ninia maun sira mak ema hanesan saida. Judá mak ko'alia ba José hodi husu nia laran-sadi'a, dehan: 'Ami hotu bele sai atan iha rai-Ejitu.' Maibé José hatán: 'Benjamin de'it mak tenke hela iha rai-Ejitu no imi sira seluk fila fali ba imi-nia rai bá.' —Gén 44:2-17.

Judá dehan: "Nia mak oan mesak husi ninia inan, no ninia aman hadomi nia." Liafuan ne'e kona loos José nia laran, tanba José mak Jacob nia feen doben Rakel nia oan-mane boot, no Rakel mate bainhira nia tuur ahi Benjamin. José mós hadomi tebes ninia inan Rakel, no ida-ne'e halo nia hadomi tebes ninia alin Benjamin.—Gén 35: 18-20; 44:20.

Judá husu José nia laran-sadi'a atu labele kaer Benjamin nu'udar atan. Nia hatete nia prontu troka Benjamin nia fatin. Ikuusliu, nia dehan: "Oinsá mak ha'u bele fila fali ba ha'u-nia aman la hamutuk ho labarik ne'e? Ha'u la bele tahan atu haree susar boot ne'e kona ha'u-nia aman!" (Gén 44:18-34) José hatene ona katak ninia maun Judá nia hahalok troka duni. Nia la’ós arrepende an de'it ba sala ne'ebé uluk nia halo, maibé nia sai ema ne'ebé prontu fó nia an ba ema seluk nia di'ak.

José la bele tahan tan ninia matan-been. Nia haruka atan sira sai ba li'ur, no nia hahú tanis maka'as to'o ema iha palásiu laran mós bele rona

nia lian. Tuirmai, José hatete ba nia maun sira: "Ha'u mak José imi-nia alin." Liafuan ne'e halo nia maun-alin hotu sai bilán tebes. José hako'ak sira hotu no fó-hatene mós ba ninia maun sira katak nia la rai hirus ba buat ne'ebé sira halo ona ba nia. (Gén 45:1-15) Loos duni, José haleno Maromak Jeová nia hahalok ne'ebé prontu fó perdúa ba ema. (Sal 86:5) Ita mós hatudu hahalok furak hanesan ne'e ka lae?

**(Génesis 44:33, 34)**

**(Génesis 45:4, 5)**

**Ke'e no hetan buat murak husi Bíblia**

**(Génesis 44:13)**

**it-2-E p. 813**

**Lees roupa**

Nee mak ema Judeu no ema orientál nia toman kuandu triste tebes, liuliu bainhira rona katak sira-nia família ida mate. Iha situasaun barak, sira lees sira-nia roupa parte hirus-matan nian de'it, tan ne'e bele nafatin uza fali roupa ne'e.

Dala primeiru ne'ebé Bíblia temi kona-ba lees roupa mak bainhira Ruben, Jacob nia oan-mane primeiru, la hetan fali ninia alin José iha bee-posu. Nia lees ninia roupa, no dehan: "Labarik ne'e la iha ona! Saida mak ha'u sei halo?" Nu'udar oan-mane primeiru, Ruben iha responsabilidade boot ba ninia alin. Bainhira ninia aman Jacob rona katak ninia oan ne'e mate ona, nia mós lees ninia roupa no uza hena karón atu hatudu sentimentero triste. (Gén 37:29, 30, 34) No kuandu iha Ejitu, Jacob nia maun-alin sira mós lees sira-nia roupa kuandu ema duun katak Benjamim mak na'ok-teen.—Gén 44:13.

**(Génesis 45:5-8)**

**w04-E 8/15 p. 15 par. 15**

**Odi la ho razaun**

<sup>15</sup> Saida mak bele ajuda ita atu la laran-moras kuandu ema odi ita la ho razaun? Hanoin-hetan

katak ita-nia inimigu ne'ebé boot liu mak Satanás no anjuaat sira. (Éf 6:12) Maski karik ema balu ho neon fó terus mai ita, maibé iha ema balu ne'ebé la gosta ita tan de'it sira ladún hatene kona-ba ita ka tanba rona ba ema seluk. (Dan 6: 4-16; 1Ti 1:12, 13) Jeová hakarak atu "ema hotu" iha oportunidade "atu hetan salvasaun no hetan koñesimentu ne'ebé loos kona-ba lia-loos." (1Ti 2: 4) Tuir loloos, ema balu ne'ebé uluk kontra, agora sai nu'udar ita-nia irmaun-irmán tanba haree ba ita-nia hahalok ne'ebé dí'ak. (1Pe 2:12) No ita mós bele aprende husi Jacob nia oan-mane José nia exemplu. Maski José hasoru terus barak tanba ninia maun sira, nia la rai odi ba sira, tanba nia komprende katak Jeová uza nia atu kumpre Ninia hakarak. (Gén 45:4-8) Hanesan ne'e mós, terus naran de'it ne'ebé ita hasoru tanba la iha justisa, Jeová bele uza ida-ne'e atu lori hahi'i ba Ninia naran.—1Pe 4:16.

## TREINU KONA-BA HAKLAKEN

w06-E 2/1 p. 31

Pergunta husi lee-na'in

**Jeová nia atan ne'ebé laran-metin, José, uza kopu espsiál husi osan-mutin atu si'ik futuru hanesan temi iha Génesis 44:5 ka lae?**

La iha razaun atu fiar katak José mete ho matandook nia atividade atu si'ik futuru.

Bíblia hatudu José nia hanoin kona-ba uza májiku atu hatene kona-ba futuru. Tanba bainhira nia esplika Faraó nia mehi sira, José dehan beibeik katak só Maromak mak bele "fó sai" buat ne'ebé seidauk akontese. Rezultadu mak Faraó rasik ikusmai fiar katak Maromak ne'ebé José adora, Maromak ne'ebé loos, mak ajuda José atu hatene informasaun kona-ba futuru, la'ós liuhusi májiku. (Gén 41:16, 25, 28, 32, 39) Iha Ukun-Fuan ne'ebé Jeová fó ba Moisés, Jeová bandu ema atu labele uza masonik ka atu si'ik futuru, ne'e hatudu katak Nia de'it mak bele si'ik futuru.—Deu 18: 10-12.

Se nune'e, tanbasá mak José nia atan dehan katak José uza kopu ida husi osan-mutin atu 'si'ik

futuru ho loloos"? (Gén 44:5) Ita presiza hatene uluk kona-ba situasaun iha istória ne'e.

José nia maun sira fa'an José sai nu'udar atan. Tinan barak depois ne'e, tanba rai-hamlaha ne'ebé boot tebes, sira la'o ba rai-Ejitu atu hola ai-han. Iha Ejitu, José mak hetan knaar atu tau matan ba ai-han, no agora José nia maun sira presiza José nia ajuda. Maibé José la fó sai ninia an ba sira. Nia deside atu koko sira. José hakarak hatene se sira arrepende an ka lae. Nia mós hakarak hatene se sira hadomi sira-nia aman, Jacob, no sira-nia alin Benjamim ne'ebé Jacob hadomi tebes, no sira-nia domin to'o ne'ebé. Tan ne'e, José deside atu lohi sira.—Gén 41:55–44:3.

José haruka ninia atan ida atu enxe ninia maun no alin sira-nia pasta ho ai-han, fó fali sira-nia osan, no mós atu tau José nia kopu iha Benjamim nia pasta. Durante buat hotu ne'e, José **apresenta** **ninia** **an** nu'udar ema-boot husi rai ne'ebé la adora Maromak ne'ebé loos. Ninia hahalok, jeitu, no dalan ne'ebé nia ko'alia mak hanesan ema-boot ida, no ne'e mak dalan ne'ebé ninia maun sira haree nia.

Bainhira José ko'alia ho ninia maun sira kona-ba kopu ne'e, nia kontinua subar ninia identidade husi sira. Nia husu: "Imi la hatene katak hau bele si'ik futuru ho loloos ka?" (Gén 44:15) Husi ne'e, ita haree katak kopu ne'e mós parte de'it husi nia planu. Hanesan Benjamim la na'ok kopu ne'e, José mós la uza kopu ne'e atu si'ik futuru.

## 8-14 JUÑU

### RIKUSOIN HUSI BÍBLIA | GÉNESIS 46-47

**"Ai-han ba tempu rai-hamlaha"**

**(Génesis 47:13)**

w87-E 5/1 p. 15 par. 2

**Salva ema nia moris iha tempu rai-hamlaha**

2 Tinan hitu ne'ebé iha ai-han barak ikusmai remata, no rai-hamlaha komesa, hanesan Jeová fó-hatene nanis. Rai-hamlaha ne'e la'ós de'it iha rai-Ejitu, maibé "rai hotu iha mundu tomak". Bain-

hira povu sira ne'ebé hamlaha iha Ejitu husu ajuda husi Faraó, Faraó dehan ba sira: “Bá husu José, no halo tuir buat naran de'it ne'ebé nia dehan ba imi.” José fa'an ai-han ba ema Ejitu to'o sira-nia osan hotu. Tuirmai sira fa'an sira-nia animal sira atu troka ho ai-han. Ikusmai, povu sira bá hasoru José no dehan: “Sosa ami no ami-nia rai hodi troka ho ai-han, no ami sei sai atan ba Faraó no ami-nia rai sei sai ninian.” Entaun José sosa hotu ema Ejitu nia rai hodi entrega ba Faraó.—Gén 41:53-57; 47:13-20.

### (Génesis 47:16)

### (Génesis 47:19, 20)

### (Génesis 47:23-25)

kr-E p. 234-235 par. 11-12

**Maromak nia Ukun hala'o ninia hakarak iha rai**

<sup>11</sup> **Ai-han barak.** Ema barak iha mundu hasoru terus tanba lakohi rona ba Maromak nia Liafuan. Nee' hanesan rai-hamlaha iha dalan espirituál. Bíblia fó avizu ida-ne'e: “Jeová, Na'i Ukun-Na'in Boot Liu, hatete nune'e: ‘Tempu sei to'o mai bainhira ha'u halo hamlaha boot mosu iha rai ne'e, ne'e la'ós hamlaha ba ai-han ka hamrook ba bee, maibé hamlaha atu rona Jeová nia liafuan.’” (Am 8:11) Sidadaun ba Maromak nia Ukun mós terus tanba rai-hamlaha ka lae? Jeová fó-hatene nanis oinsá ninia povu sei la hanesan ho ninia inimigu sira: “Ha'u-nia atan sira sei han, maibé imi sei hamlaha. Haree bá! Ha'u-nia atan sira sei hemu, maibé imi sei hamrook. Haree bá! Ha'u-nia atan sira sei haksolok, maibé imi sei moe.” (Isa 65:13) Ita rasik haree oinsá liafuan sira-ne'e sai loos ka lae?

<sup>12</sup> Ita-nia livru sira kona-ba Bíblia, gravasaun sira, vídeo, reuniaun no reuniaun boot sira, no informasaun hotu iha ita-nia website, mak ai-han espirituál barak ne'ebé sempre mai, hanesan mota ne'ebé nunka para atu suli. (Eze 47:1-12; Joe 3:18) Ita kontente tebes atu haree Jeová nia promesa sai loos kona-ba ai-han espirituál barak iha ita-nia moris, loos ka lae? Ita rasik sempre han husi Jeová nia meza ka lae?

## Ke'e no hetan buat murak husi Bíblia

### (Génesis 46:4)

*it-1-E p. 220 par. 1*

Pozisaun no jestu

**Tau liman ba ema mate nia matan.** Jeová nia liafuan ba Jacob, “José sei tau liman ba ó-nia matan” mak dalan ida atu dehan katak José mak sei taka Jacob nia matan bainhira nia mate. (Gén 46:4) Baibain ne'e mak oan-mane primeiru nia knaar. Tan ne'e, haree hanesan Jeová fó-hatene ba Jacob katak direitu nu'udar oan primeiru mak José nian.—1Kr 5:2.

### (Génesis 46:26, 27)

*nwtsty-E nota estudu ba Aps 7:14*

**hamutuk ema na'in-75:** Bainhira Estevão ko'alia kona-ba ema na'in-75 husi Jacob nia família iha Ejitu, karik nia la foti liafuan ruma husi Eskritura Lian Ebraiku. Númeru ne'e labele hetan iha manuskritu masoréтиku husi Eskritura Lian Ebraiku. Gén 46:26 hatete: “Jacob nia oan no bei-oan hotu ne'ebé tama ba rai-Ejitu hamutuk ho nia mak na'in-66, ne'e la sura ho Jacob nia feto-foun sira.” Versíkulu 27 hatutan: “Ema hotu husi Jacob nia umakain ne'ebé tama ba rai-Ejitu hamutuk na'in-70.” Versíkulu sira-ne'e hatudu dalan rua atu sura. Númeru primeiru inklui de'it Jacob nia oan no bei-oan sira. Maibé número segundu mak totál husi ema hotu ne'ebé bá Ejitu. Iha Ex 1:5 no Deu 10:22 mós temi ema “na'in-70” husi Jacob nia família. Bainhira Estevão temi kona-ba ema “na'in-75”, nia inklui Jacob nia família seluk. Ema balu dehan katak número ne'e inklui José nia oan Manasés no Efraim nia oan no bei-oan sira ne'ebé temi iha tradusaun Septuajinta husi Gén 46:20. Ema seluk dehan katak número ne'e inklui Jacob nia feto-foun sira ne'ebé la sura iha Gén 46:26. Tan ne'e, karik número “75” mak totál husi ema hotu. Tuir lolos, número ne'e karik bazeia ba kopía husi Eskritura Lia-Ebraiku husi apóstolu sira-nia tempu. Ba tinan barak ona, matenek-na'in sira hatene katak número “75” mak número ne'ebé temi iha Gén 46:27 no Ex 1:5 husi Septuajinta

Gregu. No mós, iha Éx 1:5 husi Livru Tasi Mate nian iha língua Ebreu ne'ebé ema hetan maizumenus tinan 1950, temi númeru "75". Karik númeru ne'ebé Estevão temi mak bazeia ba manuskritu antigü sira-ne'e. Maski ida-ne'e loos ka la loos, númeru ne'ebé Estevão temi hatudu de'it dalam seluk oinsá atu sura Jacob nia família sira.

## 15-21 JUÑU

### RIKUSOIN HUSI BÍBLIA | GÉNESIS 48-50

#### "Sira ne'ebé idade iha esperiénsia barak atu fahe"

(Génesis 48:21, 22)

it-1-E p. 1246 par. 8

Jacob

Lakleur antes Jacob mate, nia haraik bensaun ba ninia bei-oan sira, katak José nia oan-mane sira, no Maromak book nia atu tau ninia liman-loos ba Efraim ne'ebé idade ki'ik liu duké Manasés ne'ebé idade boot liu. No ba José, nu'udar oan primeiru ne'ebé sei simu liman-rohan parte rua, Jacob hatete, "Ha'u sei fó rai parte ida tan ba ó barak liu fali ó-nia maun-alin sira. Rai ne'e ha'u hadau husi ema Amoreu ho ha'u-nia surik no rama." (Gén 48: 1-22; 1Kr 5:1) Antes ne'e, Jacob sosa ona rai besik iha Siquém, husi Hamor nia oan-mane sira, no nia halo ida-ne'e la ho funu. (Gén 33:19, 20) Tan ne'e, haree hanesan promesa ne'ebé Jacob fó ba José mak hatudu kona-ba Jacob nia fier, tanba liuhusi Jacob nia liafuan ne'e, nia fó sai profesia kona-ba oinsá mak ninia jerasaun sei hadau rai-Kanaan, no ne'e haree hanesan akontese tiha ona ho ninia surik no rama rasik. Parte rua ne'ebé fó ba José husi rai ne'ebé sira hadau mak rai ne'ebé fó ba suku Efraim no suku Manasés.

(Génesis 49:1)

it-2-E p. 206 par. 1

Loron ikus sira

**Jacob nia profesia antes nia mate.** Bainhira Jacob ko'alia ba ninia oan-mane sira hodi dehan,

"Imi halibur hamutuk bá hodi ha'u bele fó-hatene ba imi buat ne'ebé sei akontese iha futuru", Jacob ko'alia kona-ba tempu ne'ebé ninia liafuan sei komesa sai loos iha futuru. (Gén 49:1) Maizumenus tinan atus rua antes ne'e, Jeová dehan ba Jacob nia avó, Abram (Abraão), katak ninia jerasaun sei hasoru terus durante tinan 400. (Gén 15:13) Tan ne'e, profesia kona-ba futuru ne'ebé Jacob temi labele hahú antes tinan 400 ne'e remata. Profesia ne'e mós sei sai loos kona-ba "Izraél Maromak nian", ka Izraél espirituál.—Gal 6: 16; Rom 9:6.

#### (Génesis 50:24, 25)

w07-E 6/1 p. 28 par. 10

Irmaun-irmán ne'ebé idade ona mak bensaun ba joven sira

<sup>10</sup> Irmaun-irmán ne'ebé idade ona bele sai exemplu di'aik ba ema seluk iha kongregasaun. Bainhira Jacob nia oan-mane José idade ona, nia halo buat ne'ebé simples de'it atu hatudu ninia fier, maibé ne'e sai exemplu ne'ebé di'aik tebes ba fiarna'in sira ne'ebé moris depois nia. Kuandu nia idade 110, "nia fó matadalan kona-ba ninia ruin sira" katak, povu Izraél tenke lori ho ninia ruin sira kuandu sira sai husi Ejitu. (Ebr 11:22; Gén 50: 25) Kuandu José mate, matadalan ne'e fó esperansa ba povu Izraél durante tinan barak ne'ebé sira sai nu'udar atan, katak tempu livre ba sira sei to'o mai.

#### Ke'e no hetan buat murak husi Bíblia

(Génesis 49:19)

w04-E 6/1 p. 15 par. 4-5

Bensaun ba ema ne'ebé halo tuir Maromak

<sup>4</sup> Antes tama ba rai ne'ebé Maromak promete, ema Izraél husi suku Gad husu atu sira bele hela iha parte leste husi mota Jordau ne'ebé di'aik atu hakiak bibi. (Núm 32:1-5) Maibé hela iha rai ne'e katak sira sei hasoru susar boot. Suku sira seluk iha parte oeste seguru uitoan tanba foho-leet Jordau nian bele ajuda atu hanetik inimigu sira atu tama sira-nia rai. (Jos 3:13-17) Maibé, kona-

## 22-28 JUÑU

ba rai sira iha parte leste husi Jordau, livru ida *The Historical Geography of the Holy Land*, neébé George Adam Smith mak hakerek, hatete: “Rai sira-neé mak tetuk loos deít, no la iha buat ida mak sai nu’udar protesaun iha Arábia. Tan neé, sira sempre hasoru perigu husi emaaat sira neébé liu, no balu ho grupu boot ataka sira kada tinan atu hadau rai neébé matak.”

<sup>5</sup> Oinsá mak suku Gad bele tahan hasoru situa-saun sira-neé? Tinan barak antes neé, iha Jacob nia profesia antes nia mate nia dehan: “Kona-ba Gad, grupu na’ok-teen sei ataka nia, maibé nia sei ataka sira husi kotuk.” (Gén 49:19) Karik liafuan neé bele halo ema neébé rona laran-kraik. Maibé tuir loloos, liafuan neé nu’udar mandamentu ida atu haruka ema Gad ataka fila. Jacob hametin sira-nia fier katak se sira halo nuneé duni, emaaat sira-neé sei halai namkari, no ema Gad sei duni ema sira neébé husi kotuk liu.

### (Génesis 49:27)

ia p. 164, kaixa

Liafuan neébé Bíblia fó-hatene nanis  
sai loos

Hodi defende Maromak nia povu, Maromak uza Ester no Mordecai hodi kumpre liafuan neébé Bíblia fó-hatene nanis. Maizumenus tinan 1.200 antes ida-neé akontese, Maromak Jeová leno Jacob atu fó-hatene nanis kona-ba ninia oan-mane ida, nia hatete: “Benjamin sei kontinua tata hanesan asu-fuik. Iha dadeer nia sei han animál neébé nia kaer no iha kalan nia sei fahe rikusoin neébé nia hetan.” (Gén 49:27) Iha “dadeer”, ka iha tempu neébé nasau Izraél komesa atu iha liurai neébé ukun, Benjamin nia bei-oan sira inklui mós Liurai Saul no asuwaín sira seluk, “kontinua tata hanesan asu-fuik” hodi halo funu ba Maromak Jeová nia povu. Iha “kalan”, ka iha tempu neébé la iha ona liurai neébé ukun nasau Izraél, Ester no Mordecai, neébé husi suku Benjamin, halo funu hasoru Jeová nia inimigu sira, no sira hetan susesu. Ita mós bele dehan katak sira ‘fahe rikusoin neébé sira hetan’ tanba liurai fó Haman nia rikusoin hotu ba sira.

## RIKUSOIN HUSI BÍBLIA | ÉXODO 1-3

“Ha’u Sei Sai Buat Neébé Ha’u Hakarak”

(Éxodo 3:13)

w13 15/3 p. 25 par. 4

Hahi’i naran Jeová neébé boot

<sup>4</sup> Kuandu Moisés tinan 80, Maromak fó knaar importante ba nia hodi dehan: “Lori ha’u-nia povu Israel nia oan sira sai husi Egíptu.” Moisés husu fali pergunta ida neébé importante tebes, hodi hatete: ‘Se ema Israel husu ha’u kona-ba Itania naran, saida mak ha’u sei hatete ba sira?’ Ema Israel hatene Maromak nia naran kleur ona, entaun tanbasá mak Moisés husu pergunta hanesan neé? Ida-neé tanba nia hakarak hatene liután Jeová mak Maromak oinsá loos. Moisés hakarak halo ema Israel fier katak Maromak sei salva duni sira, tanba kleur ona sira moris nu’udar atan no karik sira barak laran-rua se Jeová bele salva sira ka lae. Tuir loloos, sira balu adora fali ema Egíptu nia maromak sira!—Éx 3:10-15; Eze 20:7, 8.

(Éxodo 3:14)

kr-E p. 43, kaixa

SIGNIFIKADU HUSI MAROMAK NIA NARAN

MAROMAK nia naran Jeová mai husi verbu Ebraiku neébé signifika “halo sai; sai”. Matenek-naín barak dehan katak neé mak verbu kauzativu iha lian Ebraiku. Nuneé ema barak comprende Maromak nia naran signifika “Nia mak halo sai”. Signifikadu ida-neé liga didi’ak ho Jeová nia papél nu’udar Kriadór. Nia kria universu tomak, rai no buat hotu neébé moris no mós nia kontinua kumpre no halo ninia hakarak hotu sai loos.

Se nuneé, Jeová nia liafuan ba Moisés neébé hakerek iha Éxodo 3:13, 14 katak sá? Moisés husu: “Se karik ha’u bá hasoru ema Izraél no dehan ba sira: ‘Imi-nia bei’ala nia Maromak mak haruka ha’u ba imi’, no se sira husu ba ha’u: ‘Ninia naran mak saida’?” entaun saida mak ha’u tenke

hatán ba sira?" Maromak dehan ba Moisés: "Ha'u Sei Sai Buat Néebé Ha'u Hakarak."

Haree katak Moisés la husu Jeová atu hatene Jeová nia naran, tanba Moisés no ema Izraél hatene tiha ona Maromak nia naran. Loloos, Moisés hakarak atu Jeová fó sai kona-ba buat seluk neébé bele hametin ninja fier kona-ba Jeová mak Maromak hanesan saida, ka signifikadu neébé hatudu sai husi ninja naran. Tan ne'e kuandu Jeová hatán, "Ha'u Sei Sai Buat Néebé Ha'u Hakarak," nia hatudu sai kona-ba buat neébé úniku kona-ba nia an. Iha tempu naran de'it, nia bele sai buat naran de'it atu bele kumpre ninja hakarak. Porezemplu, ba Moisés no povu Izraél, Jeová sai nu'udar ajuda-na'in, ida neébé fó lei, ida neébé fó buat neébé sira presiza, no seluk tan. Tan ne'e Jeová rasik **hili atu sai** buat naran de'it atu bele kumpre ninja hakarak ba ninja povu. Maski naran Jeová iha signifikadu hanesan temi ona, maibé tuir loloos naran ne'e mós hatudu katak Jeová bele halo ninja kriasaun atu sai buat naran de'it hodi kumpre ninja hakarak.

## **Ke'e no hetan buat murak husi Bíblia**

### **(Exodo 2:10)**

**g04-E 4/8 p. 6 par. 5**

### **Istória kona-ba Moisés tebes duni ka lae?**

Tebes duni ka lae katak liurai Ejitu nia oan-feto hakiak Moisés? Sin, tanba ema Ejitu nia relijaun hanorin katak tenke hatudu hahalok laran-dí'a hodi nune'e bele tama ba lelehan. Kona-ba hakiak Moisés, arkeólogu Joyce Tyldesley dehan: "Iha Ejitu, feto no mane iha pozisaun hanesan de'it. Sira iha direitu neébé hanesan kona-ba justisa no ekonomia, no feto sira mós bele foti oan no hakiak." Iha dokumentu antigua kona-ba hakiak oan, temi kona-ba feto Ejitu ida neébé foti ninia atan sira nu'udar ninia oan. Kona-ba selu Moisés nia inan atu fó-susu ba Moisés, *The Anchor Bible Dictionary* dehan katak: "Kona-ba selu Moisés nia inan rasik atu fó-susu ba Moisés, ne'e hanesan ho arranju sira iha kontratu kona-ba hakiak oan neébé ema Mezopotámia sira halo."

## **(Exodo 3:1)**

**w04-E 3/15 p. 24 par. 4**

### **Pontu importante husi livru Exodo**

**3:1—Oinsá mak ita bele dehan katak Jetro mak amlulik ida?** Iha tempu antigua, ulun ba família mak sai nu'udar amlulik ba ninia família. Karik Jetro mak nu'udar ulun ba suku ida husi ema Midian. Tanba ema Midian mak Abraão nia jerasaun husi Ketura, karik sira hatene kona-ba adorasau ba Jeová.—Gén 25:1, 2.

## **TREINU KONA-BA HAKLAKEN**

**w02-E 6/15 p. 11 par.1-4**

### **Buat neébé boot liu fali rikusoin husi Ejitu**

Kuandu Moisés tinan 40 no sai nu'udar ema Ejitu, 'nia bá hodi haree ninja maluk Ebreu sira halo serbisu todan'. Buat neébé nia halo tuirmai la hatudu de'it ninja hakarak atu hatene kona-ba ninia maluk Ebreu sira, maibé ninia hakarak atu ajuda sira. Kuandu nia haree ema Ejitu ida baku ninia maluk Ebreu ida, nia oho tiha ema Ejitu ne'e. Ninja hahalok ne'e hatudu katak nia laran-metin ba ninia maun-alin Ebreu sira. Mane neébé nia oho karik iha pozisaun boot, no Moisés oho nia bainhira mane ne'e hala'o daudaun ninia knaar. Iha ema Ejitu nia matan, la iha razaun ida ba Moisés atu la laran-metin ba Faraó. Maibé buat neébé book Moisés mak hahalok domin ba justisa, no iha loron tuirmai, nia hatudu ninia domin ba justisa bainhira nia hirus ema Ebreu neébé la hatudu justisa hodi baku fali ninia maluk Ebreu. Moisés iha hakarak neébé maka'as atu halo livre ema Ebreu neébé serbisu nu'udar atan, maibé kuandu Faraó rona kona-ba buat neébé Moisés halo no koko atu oho nia, ikusmai Moisés tenke halai ba Midian.—Éx 2:11-15; Aps 7:23-29.

Tempu neébé Moisés hili atu halo livre ema Ebreu la hanesan ho tempu neébé Jeová hili. Maski nune'e, buat neébé Moisés halo hatudu sai ninia fier. Ebreu 11:24-26 hatete: "Liuhusi fier mak Moisés lakohi ema bolu nia nu'udar Faraó nia oan-feto nia oan bainhira nia sai boot ona. Nia hili atu hetan terus hamutuk ho Maromak nia

povu duké haksolok ba tempu uitoan hodi halo sala.” Tanbasá? “Tanba nia haree katak kuan-du ema hamoe nia nu’udar ema ne’ebé Maromak hili ona, ne’e iha folin boot liu fali rikusoin husi rai-Ejitu, tanba nia hateke de’it ba kolen ne’ebé nia atu simu.” Liafuan “ida-ne’ebé Maromak hili” aplika ba Moisés tanba ikusmai nia simu knaar importante husi Jeová.

Imajina to’ok! Moisés boot iha ambiente ne’ebé Faraó nia família de’it mak bele goza. Nia bele de’it hetan pozisaun no moris ne’ebé díak liu, maibé nia lakohi simu buat sira-ne’e. Ba nia, moris iha Faraó nia hela fatin, ida ne’ebé fó terus ba ninia maluk sira, mak hanesan la hatudu domin ba Jeová no justisa. Hodi hatene no medita kona-ba promesa sira ne’ebé mai husi ninia bei-alá Abraão, Isaac, no Jacob nia Maromak, ajuda Moisés atu foti desizaun atu halo kontente Maromak. Rezultadu mak, Jeová bele uza Moisés atu halao knaar ne’ebé importante hodi kumpre buat ne’ebé Maromak hakarak.

Ita hotu presiza hili buat sira ne’ebé importante liu. Hanesan Moisés, karik ita mós hasoru situasaun ne’ebé halo ita susar atu hili. Ita tenke husik tiha toman balu ka buat balu ne’ebé haree hanesan lori díak mai ita maski ita tenke halo sakrifisiu boot ka lae? Se ita mak hasoru situasaun hanesan ne’e, hanoin-hetan katak Moisés haree ninia relasaun belun ho Jeová iha folin-boot liu fali rikusoin hotu iha Ejitu, no nia la arrepende ho desizaun ne’e.

## 29 JUÑU-5 JULLU

### RIKUSOIN HUSI BÍBLIA | ÉXODO 4-5

**“Ha’u sei hamutuk ho ó bainhira ó ko’alia”**

**(Éxodo 4:10)**

**(Éxodo 4:13)**

**w10 15/10 p. 13-14**

**Maromak nia haree kona-ba fó razaun**

**“Ha’u-nia matenek la to’o.”** Karik Ita sente katak Ita-nia matenek la to’o atu haklaken lia-foun

díak. Iha tempu Bíblia nian, Maromak Jeová nia atan balu ne’ebé laran-metin mós sente katak sira-nia matenek la to’o atu kumpre knaar ne’ebé Maromak Jeová fó ba sira. Porezemplu hanoin to’ok kona-ba Moisés. Kuandu Moisés simu knaar husi Maromak Jeová, nia hatete: “Deskulpa, Na’i Jeová, maibé ha’u la’ós ema ne’ebé ko’alia moos, husi horisehik ka husi tempu uluk ka husi tempu ne’ebé Ita ko’alia ba Ita atan, tanba ha’u-nia ibun-toos no nanál toos.” Maski Maromak Jeová promete atu ajuda Moisés, maibé nia hatete: “Deskulpa, Na’i Jeová, maibé favór ida, haruka fali ema seluk ne’ebé Ita hili.” (Éx 4:10-13) Saida mak Maromak Jeová halo?

### **(Éxodo 4:11, 12)**

**w14 15/4 p. 9 par. 5-6**

**Ita haree “Ida ne’ebé matan la haree” ka lae?**

<sup>5</sup> Maromak hanorin buat importante ida ba Moisés antes nia fila fali ba Ejitu. Ikusmai iha livru Jó, Moisés hakerek kona-ba hanorin ne’e, dehan: “Ta’uk ba Jeová, ne’e mak matenek.” (Job 28:28) Atu ajuda Moisés iha ta’uk ne’ebé loos no halo desizaun ho matenek, Jeová kompara ema ho nia an rasik nu’udar Maromak ne’ebé aas liu hotu. Nia husu: “Sé mak kria ibun ba ema, ka sé mak halo sira la bele ko’alia ka diuk, haree moos ka matan-delek? Ha’u, Jeová mak halo, loos ka lae?” –Éx 4:11.

<sup>6</sup> Moisés aprende saida husi liafuan sira-ne’e? Katak, Jeová rasik mak haruka nia, tan ne’e nia la presiza ta’uk buat ida. Maromak sei fó kbiit ba Moisés atu fó sai Ninia mensajen ba Liurai Ejitu. Karik Moisés hanoin-hetan kona-ba oinsá mak iha tempu uluk Jeová proteje ona Ninja atan sira hanesan Abraão, José, no mós Moisés rasik kuandu hasoru perigu husi Liurai Ejitu sira seluk. Sin, Liurai Ejitu la iha kbiit se kompara ho Jeová. (Gén 12:17-19; 41:14, 39-41; Éx 1:22-2:10) Tanba Moisés tau fiar ba “Ida ne’ebé matan la haree”, nia ho aten-brani bá hasoru Liurai Ejitu hodi fó sai Jeová nia mensajen.

## (Éxodo 4:14, 15)

w10 15/10 p. 14

### Maromak nia haree kona-ba fó razaun

Maski Moisés fó razaun hodi la halo knaar ne'e, maibé ida-ne'e la hapara Maromak Jeová atu nafatin haruka nia. Maromak Jeová mós hili Aarão atu apoia Moisés hodi kumpre knaar ne'e. (Ex 4: 14-17) Durante tinan sira tuirmai, Maromak Jeová apoia Moisés no fó ba Moisés buat ne'ebé nia presiza hodi bele kumpre knaar ne'ebé nia simu husi Maromak. Ohin loron, Ita mós bele fiar katak Maromak Jeová sei book irmaun-irmán sira ne'ebé iha esperiénsia atu ajuda Ita atubele kumpre Ita-nia knaar atu haklaken. Liután ne'e, liuhusi ninia Lifaufuan, Maromak Jeová promete ba ita katak nia sei fó matenek ne'ebé ita presiza atubele kumpre serbisu ne'ebé nia fó ba ita.—2Ko 3:5; haree kaixa "Tempu ne'ebé di'aik liu iha ha'u-nia moris."

## Ke'e no hetan buat murak husi Bíblia

### (Éxodo 4:24-26)

w04-E 3/15 p. 28 par. 4

### Pergunta husi lee-na'in

Zípora nia lifaufuan "Ita mak ha'u-nia noivu raan nian" ne'e mak la'ós lifaufuan ne'ebé baibain. Ninia lifaufuan ne'e hatudu saida kona-ba nia? Hodi halo tuir ukun-fuan kona-ba aliansa sirkunsizaun nian, Zípora rekoñese ninia relasaun espesiál ho Maromak liuhusi aliansa ne'e. Iha aliansa Ukun-Fuan ne'ebé ikusmai Jeová halo ho povu Izraél hatudu katak, Jeová bele kompara hanesan la'en ida, no ema seluk iha aliansa ne'e bele kompara hanesan feen. (Jer 31:32) Tan ne'e, bainhira Zípora bolu

Jeová, (liuhusi anju ne'ebé reprezenta Maromak) nu'udar "noivu raan nian" Zipora hatudu katak nia rasik hakru'uk ba kritéria husi aliansa ne'e. Nia hanesan simu ninia pozisaun nu'udar feen iha aliansa kona-ba sirkunsizaun, hamutuk ho Jeová nu'udar la'en. Tanba Zípora halo tuir saida mak Maromak hakarak, ninia oan-mane agora bele sees husi perigu.

## (Éxodo 5:2)

it-2-E p. 12 par. 5

### Jeová

Entaun "hatene", la'ós katak ita hatene de'it kona-ba buat ida ka ema ida. Nabal ne'ebé beik hatene David nia naran maibé sei husu nafatin, "Sé mak David?" signifika katak, "Nia ne'e sé loos?" (1Sa 25:9-11; kompara ho 2Sa 8:13.) Nune'e mós ho Faraó, nia mós husu ba Moisés: "Sé mak Jeová? Tanbasá mak ha'u tenke halo tuir ninia lifaufuan hodi haruka ema Izraél sai?" (Ex 5:1, 2) Hodi dehan nune'e, nia hatudu katak nia la rekoñese Jeová nu'udar Maromak ne'ebé loos ka ida-ne'ebé iha pozisaun boot liu fali Ejitu nia liurai, no la rekoñese Jeová nu'udar ida ne'ebé iha forsa atu hala'o ninia hakarak ne'ebé nia fó sai liuhusi Moisés no Arão. Maibé agora Faraó no ema hotu iha Ejitu, hamutuk ho povu Izraél, sei hatene signifikadu importante husi naran ne'e. Ida-ne'e sei akontesse tanba Jeová sei kumpre ninia hakarak ba ema Izraél kuandu nia halo sira livre, fó ba sira rai ne'ebé nia promete ona, no kumpre ninia promesa ba sira-nia bei'ala sira. Liuhusi ida-ne'e mak, hanesan buat ne'ebé Maromak hatete, "Imi sei hatene duni katak ha'u mak Jeová, imi-nia Maromak."—Ex 6:4-8.